

INUIT ATAQATIGIIT

Inatsisartuni



19. februar 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Naalakkersuisut isumaqatigaat Mittarfiit sanaartorneqartussat aningaasaqarnikkut akilersinnaassusiat nalilersorniarlugu tikikkuminassusaat annertunerpaatinniarlugu Nunat tamalaat mikkuminassutsimut piumasaqaatinik naammassinngitsuukkanik immikkut akuersissuteqarnaveersaarnissaq pingaaruteqartoq?**
- 2. Piumasaqaatit nunani tamalaani atuuttuni naammassinngitsuukkat pissutigalugit tikikkuminassuseq akilersinnaassutsimullu aalajangiisuusorujussuit pillugit, Naalakkersuisup akuleruffigineqartannginneranik Qanoruukkat oqaaseqarnini suli attappaa?**
- 3. Mittarfissat pillugit suliariumannittussarsiuussinerup unitsikkallarnejarnera imaluunniit kinguartinneqarnera sumik patsiseqarpa?**
- 4. Kalaallit Airpot-ip massakut ingerlatsinera suliaalu tamaasa qanoq ingerlanerat Naalakkersuisut tamakkiisumik akisussaaffigaat?**
- 5. Nuummi mittarfissap ukiut 20-it ingerlanerani isertitatigut qanoq pissarsissutaassava?**
- 6. Ilulissani mittarfissaq pilersaarutigineqartoq aporfissartaqanngiivilluni pilersaarutit malillugit ingerlasutut Naalakkersuisut oqaatigisinnaavaat?**
- 7. Ilulissani mittarfissap akia annertunerulissasoq Naalakkersuisut uppersarsinnaavaat?**
- 8. Qaqortumi mittarfissap aningaasaqarnikkut sunniutisai pillugit aningaasartuutaanerulersussatut ilimagineqartut ilimasaarutigineqartut suunersut Naalakkersuisuniit nassuiaatigineqarsinnaappat?**
- 9. Nuummi mittarfissap inissisimaffimmut allamut nuunneqarsinnaanera Naalakkersuisut ammaffigaat?**
- 10. Nuummi mittarfissap inuit angerlarsimaffiinut qanippallaanera pissutigalugu aammalu tikikkuminarnerusumut inissinneratigut mikkiartornissamut sillimaniarnikkut pitsaanagerusumut inissineqarsinnaanera Naalakkersuisuniit isumaliutigineqarpa?**

(Inatsisartuni ilaasortaq Aqqaluaq B. Egede , Inuit Ataqatigiit)

Tunggavilersuut:

Naalakkersuisut sulinerminni mittarfiit pillugit pilersaarummi erseqqissumik akisannginnerat pilersaarutillu sapinngisamik ajunnginnerpaamik atuutsinneqarnissaa siunertaralugu suliaat matumani ujartorpakka. Apeqquteqaatit mittarfissanut tunggassuteqartut inuiaqatigiinni sammineqarluarput, nalornissutaappullu. Inatsisartuni sulinitinni Naalakkersuisut erseqqissumik akisarnissaat pisariaqartippagut, pilersaarutit naammassinissaasa tungaannut nalornineq apeqqutinillu Naalakkersuisut akisinnaasanninnerat Inatsisartunut ilaasortanut sunniuteqalerpoq. Tamanna pitsaasuunnguilaq.

Kissatigaara apequtigisama ullut qulit ingerlaneranni akineqarnissaat.